



Tranter l'Australia e Promastgel

Aurelia Balestra viva cun sia famiglia dapi 14 onns en l'Australia – e lascha encrescher.

8



Leger fatschas

Polizia e servetschs statals identifitgeschan fatschas. Però savain nus «leger» ellas? Quai sa dumonda la columna d'Iso Camartin.

12

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

Dominanza da las dunnas

■ (fmr/gns) Ina giada dapli han las dunnas e mattas dominà il Campiunadis grischun da tir 10 meters. Gi lieu ha quel a Poschiavo e quai cun ina gronda participaziun. Gist a trais tiraduras èsi reussi da defender lur titel e da daventar campionesas grischunas sco gia avant in onn. Ina da quellas è *Annina Tomasehett*, la giuvna sursilvana che va proximamain

als Campiunadis d'Europa cun esser selecziunada per quell'occurrentza. Ina surpraisa hai dà tar las gruppas, ha quella da Trun tar l'elita sajettà pli ferm che la gruppa favorita da Domat. Remartgabèl è lura er che cun la pistola pneumatica sa numna il victur *Nando Flütsch* e na *Elmar Fallet*.

> PAGINA 11

«Pretensiuns vegnan ademplidas»

Il survetsch d'ambulanza ella Cadi procura aunc adina per discussiuns

DA HANS HUONDER/FMR

■ Il Spital regional Surselva garantescha era egl avegnir che las pretensiuns dil cantun concernent il survetsch d'ambulanza ella Cadi vegnien ademplidas. Il provediment vegni mai ad esser periclitau.

Arisguard las pretensiuns minimalas dil survetsch d'ambulanza ei igl Uffeci da sanadad dil Grischun s'exprimius. En ina brev digl uost 2019 scriva el: «Sin fundament dil pign diember da cass duront la notg proponin nus ina basa d'ambulanza ella Cadi duront 24 uras ils meins d'unviern ed il rest dil temps in team che stat a disposiziun duront il di.» Dil matg entochen miez december duei il survetsch da notg vegnir garantius dil spital da Glion anora. Tenor la CEO dil spital, *Claudia Käch*, vegnan quellas pretensiuns ademplidas. La cronologia dil spital concernent las contractivas cun Furgertaxi muossa ch'igl ei buca reussiu d'anflar ina soluziun vicendeivla. Quei conferma era *Stiafen Furger*: «Nossas pretensiuns ein buca vegnidas accep-



Il Spital regional Surselva garantescha era igl avegnir in survetsch d'ambulanza ella Cadi seigi cun ina basa el liug ni cun in engaschament da Glion anora.

FOTO PH. BAER

tadas ed aschia essan nus buca vegni pli lunsch.» Stai involvi el las contractivas ein era ils presidents communal dalla Cadi.

«Nus deplorein ch'igl ei iu aschia e sperein ch' il spital anfla ina soluziun era cul persunal qualificau che nus havein si cheu», di il pre-

sident communal da Mustér, *Robert Cajacob*.

> PAGINA 3



Is artists dall'exposiziun «Scena giuvna» a Laax ella Cularta han cumbinau lur art modern cun valurs contemporanas ni da pli baul. Aschia ha Fadri Cadonau inscenaun vaccas lenn.

FOTO S. ROTHMUND

«Scena giuvna» fa surstar

■ (fmr/sr) Tochen ils 23 da mars 2020 s'auda la gallaria Cularta a Laax alla Scena giuvna. In'artista e treis artists giuvens dalla regiun exponan comunablamein lur ovras. Ch'igl interess per lur lavur ei gronds ei semussau la sonda vargada a caschun dalla vernissascha. Curatau l'exposiziun «Scena giuvna» ha l'artista *Ester Vonplon*. En discuors culs artists – che stat-

tan aunc all'entschatta da lur carriera artistica – ha ella presentau las ovras che fan surstar. Malgrad ch'ellas ein zun differentas han las ovras da *Fadri Cadonau*, *Jaromir Kreiliger*, *Elena Könz* e *Rafael Summerauer* enzategei communabel. Ellas envidan da contemplar, mirar, studegiar e turnar a mirar.

> PAGINA 5

«Chattar la DNA engiadinaisa»

■ (fmr/fa) Il proprietari dal Kulturbuchverlag Herausgeber, *Daniel Gaberell* da Riedtwil i'l Bernais, less realisar ün cudesch chi güda ad incleger pli bain als Engiadinais. Quai dess gratiar cun purttretar a 30 abitants da quista Val. Sco ch'el disch, lessa'l «chattar per uschè dir la DNA engiadinaisa.»

L'editur *Daniel Gaberell* ha jent la fuorma litterara dal portrait per preschantar regiuns, cumüns e citads ed eir persunas da tuot la Svizra. Siond ch'al proprietari dal Kulturbuchverlag Herausgeber ha üna stretta colliaziun cun l'Engiadina ha'l gnü l'idea da's metter in tschercha dal spiert engiadinais, co sun las Engiadinais e'ls Engiadinais? Quai farà'l cun agüd da portraits da trenta persunas chi abitan in quista Val. Ils texts scrivarà *Fadrina Hofmann* e las fotografias farà *Mayk Wendt*. Intant es l'editur amo in tschercha da sustegn per seis proget. El vess l'intenziun da publicar il cudesch d'utuon dal 2021.

> PAGINA 7

Betg in tigher senza dents

Il cussegl grond beneventa intervenziuns a favur da las minoritads

DAD ANDREAS CADONAU/FMR

■ Bler laud ha la regenza grischuna retschavi da deputadas e deputads il mardi passà per ils plans da rinforzar la plurilinguitad grischuna. Tant il president da la cumissiun predeliberanta, *Bruno Claus* (pld, Cuira), sco il pledader da la gruppa rumantscha in il cus-

segl grond, *Lorenz Alig* (pld, Foppa), han beneventa las finamiras da la regenza da promover la lingua rumantscha e taliana, tranter auter cun in post da coordinaziun entaifer l'administraziun. Els han dentant pretendi da plazzar il post sin nivel departamental en la chanzlia chantunala per dar dapli impurtanza. Il deputà *Diego Deplazes*

(pcd, Cadi) è s'exprimi en la medema direcciun ed ha appellà da betg stgaffir in tigher senza dents. Reagi ha la regenza sin fundament da la analisa dal Center per democrazia dad Aarau. In'analisa ch'ha defini deficits en la promozion linguistica dal chantun.

> PAGINA 2

Sentupada cun ina pedagoga

■ (fmr/abc) «Esser scolasta ei era in mistregn creativ», puntuescha la giuvna scolasta *Tonja Pelican*. La Lumneziana instruescha il secund onn ina classa primara alla scola «Apfelbaum» ad Oerlikon. Ses affons seigien vers aungheis, conceda ella. Ord l'optica dils Turitges ei *Tonja Pelican* ina meridiunala, ina dils cuolms grischuns. Siu lungatg mumma ei

exotics. La giuvna che mava fetg bugen a scola ha viu a Turitg la pusseivladad d'instruir sezza. Daco ch'ell'ei buca turnada a Cuera per far quella via ha connex cul desiderii da biars Grischuns. En siu temps liber havess ella era ideas per novs cudschs. Dus ha ella gia produciu.

> PAGINA 3



30007



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch



La Lia Rumantscha ha festivà questa stad ses 100avel. Ussa po ella puspè far viva perquai ch' il chantun metta en vista, sur in post chantunala, da promover dapli las linguas minoritaras en l'atgna administraziun. FOTO M. WENDT